
山庫全幸

史部



金切四屋白書 悼耋鰥寡各安其宅變氛沴為陽煦化險阻為 臣妾嘉其自新俾守厥舊商農漁樵俱各復其業 逼逐俘虜二十餘萬并給耕牛令還舊居統外 級擒獲元惡并其下將八十四人生獻闕下其餘 領桂州都督兼御史中丞持節招討斬首二百餘 平人南距雕題交阯西控昆明夜郎北泊點巫衙 湘彌豆萬里人不解甲天子命我隴西縣男昌巙 牧守羈縻反覆歴代不賓皆頫首請罪願 卷一百五 為

改定四車全書 一个 萬路顛來者面縛亡者染鍔搜洞索厓覆其巢穴 貌卷旗釋甲先喻德澤稔惡弗懲含薑弗息嬌矯 為人蟊賊爰命隴西持節討綏訓我師徒如虎如 隴西礪爾矛鉄鼓奮重泉兵揚九天出其不意億 風横流聲教無外蠢兹戀夷肆其蜂螫恃衆怙險 歌頌勲烈以銘於石辭曰皇帝即位十有五載淳 清泉書上聞優詔嘉焉公卿百辟將校香文成願 途五嶺之人若出玄泉而觀白日如蹈烈火而蒙 席西通志

金グル人と言 越五月蠻賊儂智高短邕州陷其城郭賊虐衣冠 聖宋體天法道欽文聰武聖神孝德皇帝在位三 罷析原野蕭條萬里澄廓明主是嘉罷人是康銘 朦再開天光俾祲作和化戎為農三軍卧鼓四鄙 若鼓洪鑪燎彼毛毳若振飄風摧乎朽脆海宇朦 平蠻碑記 之嶺門用垂無疆 年天宇之内海渚之外檀裘卉服罔不率 卷一百五 宋 氽 靕

という巨いこう 家於嶺南不宿重兵故賊起三月而後師集蔣偕 走賊益熾逼連賀毀昭賓再穴於邕驛騎繼聞上 張忠素號驍將相繼而覆没由是畏懦者望風潰 甚憂之樞密副使狄公青以為將帥之任古難其 圍廣州五十餘日不克大掠其民而去所存者官 舍倉庫而已百年生聚異域珍玩掃地無遺矣國 驅擄稚艾遂沿鬱江東下所過郡縣素無壁壘猝 然超至吏民棄走因得焚蕩剽鈔無所畏憚乃攻 廣西通志

銀定四厚全書 事九月拜命既受禁旅仍啓以舊鎮騎兵及荆湖 知節制矣明年正月甲辰至賓州先是鈴轄陳曙 銳卒從行十二月至桂林督部伍親金鼓然後兵 南北路宣撫使都大提舉廣南東西路經制賊盜 解矣亟自請行天子韙之遂改宣徽南院兼荆湖 以下三十 領兵八千潰於崑崙關公推其罪首斬曙及佐吏 才若再命偏裨事一不集則二廣之地患熾而 一人然後人知賞罸矣兵將股慄咸思 卷一百

次足口事 上馬 營自遁復入於蠻中先是命湖廣江西路安撫使 接之公憑高望為騎兵以翼焉賊徒大敗追奔十 經畧使余靖同經制東西路盗賊故命公都大 **積於道路偽署將相死者五十七人是夕智髙焚** 五里斬首二千二百餘級生擒五百人尸甲如山 樞密直學士孫沔入內押班石全彬過嶺與廣西 公之行師雖倉卒道途皆有行列賊至駐先鋒以 用命是月已未引師至邕一舎賊悉其徒以逆 廣西通志

金人也是台書 悖傲以僭稱號自名其居曰雲南道又曰南天國 農者輟耕商者報行遠通惶惶不即其生及公之 再名其年曰景瑞曰啓歷雜名其左右之人自侍 之重出剪狂蠻無點類矣賊之巢曰廣源州交趾 拜命也朝野之論中外惶然以方召之才兼機軸 舉然孫石對謀而軍中悉稟公節制賊再據邕也 開府以下署之其主謀黄師完僕建侯儂智忠 附庸也父為交吐所教遂棄其州奔南蠻界中 卷一百五

欠日野生 民得休息矣遂磨桂材崖石以書其勲辭曰有宋 能全者也故宵遁矣嗚呼智高之謀十餘年間 之大天覆地載四海正朔百蠻冠帶蠢兹狂冠起 前夫豈自知破碎奔走直頃刻間乃知名將攻取 等戰沒於陣未有剪其羽翼而能飛刳其心腹而 州詔徙護國置節度復以樞密使召仍曲赦嶺南 真自有體哉二月甲戌乃改乘轅其月丁亥至桂 納亡叛共圖舉事十餘月間連破十二郡所向無

廣西通志

委员 巴尼台雪 邊臣罔上失職以懈猝臨邕邪乘流東邁志圖全 偽署叢然授首羽異既剪心腹既刳雖欲再舉 誘來迁於郊奄喪羣醜當我推鋒易如拉朽僭補 **伏節臨戎英材雲集猛將風從賊之敢關實惟天** 生狄公輔聖惟忠情存義烈志疾碩兇請纓即路 越肆其蜂薑廣城言言梯衝附焉攻之五旬掠 乎徼外父戮於交逃死獠界招納亡命浸淫邊害 而旋賊鋒一至千里無烟還據於邕五嶺騷然天 卷一百五

欧定四車全書 京觀記 流瀑漲東陷九城薄廣州廣人怯戰登城自固賊 雲開叛蠻斗破綱領重恢師成廟算民得春臺天 聲遠振緊公之才 厥惟邕邊南國之紀九峒襟帶列城唇齒險固 失兵糧無峙庶民茧茧鳥驚獸疐我公之來電掃 大宋皇祐四年夏五月廣源州賊犯邕州陷之江 **誰與圖焚廬而去回巢以逋六親不保曰獻其俘** 廣西通志 狄 青

ヨタモノイニ 楚越騷然矣朝廷憂之樞密副使狄青抗章請行 將兵至邕州歸仁舖賊出拒戰大敗之騎兵追奔 盗命青以宣微使總節制明年正月已未青帥 願授成算上重其誠從之先是命樞密直學士孫 途復殘二郡覆四將再入邑凡害將佐三十餘 攻五句雲梯土山極肆其巧城堅不能下乃還經 五里計殺蠻眾二千二百餘人 入內押班石全彬同本路經畧使余靖經制賊 卷一百五 (偽署侍中黄 師

次定日華在馬 兹無備乘虛襲怠遂肆兇奸順流而東列城皆空 燔灼者三千三百二十有八座之城北三月詔築 其地為京觀乃命立石以志銘曰庸臣司邊率職 飲賊屍而殣之塚於歸仁舖之側又遣郴縣尉歐 焚城自通詰朝引兵入城俾供奉官賈榮就戰所 不處盜起其間蠢爾異類藏亡納叛以輔狡頑窺 有鄰聚衆傷還城而死并活擒而戮及奔而蹂踐 宓等腹心將領五十七人 廣西通志 (死於戰賊首僕智高夜

金发巴人 遠振皇澤重宣永鎮羣蠻 融 憫念及幽泉肩體之葬京觀之封銅柱齊天大聲 棄甲如山遺骸草野百里腥膻武功外楊仁心內 於常勝敢當其前驅彼犬羊敵此熊羆血膏於原 筍表騷然師徒桓桓失勁推完天下惻然帝命· 臣握節屬難拯墜綏殘師行以律賞哥貴必其謀 乃專兵家之勢動靜有制所擊無堅吁嗟羣醜狃 州平猺記 卷一百五 元 盧 讓

次定四車全書 静江柳慶賓融猺冠為甚合謀定計審勢分征命 俞特命資政大夫湖廣等處行中書省左丞奇 珠 盗開府庫割掠元實罪在不赦天顏震怒廷臣食 **超柳城夏踰溽冠平南冠藤之赤水頃之冠鬱林** 融在萬山間民受猺害顧甲子冬寇貴州乙丑春 泰定乙丑秋僕假守融州倉皇下車瘝曠是懼慮 二萬人屬之公以為西廣路府州治一十有六而 公佩印分省平蠻統御各司褒龍有秩凡馬步軍 廣西通志

冠悉平諸即未奏功而公獨先期以泰定丙寅正 楓木林絞峒等團奏俘奏馘焚蕩殆盡不踰月柳 鄭昂霄董之副師張昭毅往賓中書舍人瑪魯董 伸三軍奏凱之威長驅而前席捲遺孽直抵大塘 柳而期諸將皆後會於融將為百道並攻之勢以 之若柳重險之要衝而融羣徭之淵藪公獨先之 之元即伊喇正奉往慶遠兵部尚書李大成萬户 元帥萬努正奉往靜江之西山 親王烏爾圖罕董 卷一百五 欠已日事在馬 居王師凱旋撫循之道責在司牧明張公榜諭以 **数甲兵降帳下萬死無懷異志乃示威福遣以安** 徳意當雷霆霹靂之餘而沐雨露沾濡之澤莫不 **敖命萬户哈喇布哈抵鵝頭衛武陽扶竹團宣上** 揚聖天子之休命乃撫山川之形勢按義兵之丁 與維新公曰噫嘻好生之德治於海隅余敢不對 村督戰甚急敗獲者墨江等凡六團欽承温詔嘉 月十 日至融乘勝克敵十六日抵長安黄石周 廣西通志

金分巴尼台書 孝道盡矣加以爱君憂國所至有聲沐雨櫛風身 東宣慰致政公則抗章乞歸欲供子職浮雲軒見 **耋屢請石以記公功僕慨爾歎曰惟公金貂元勲** 碩德良輔忠顯於國孝型於家府君八十餘以山 老之蹤力疲供役轉輸給飼幸免於罪而斯民者 先士卒故曩歳克叛冦於江西今則奏平徭於翁 休息喜融之冠草心草面凡大搔等來降者二 團有與民交易之樂融免征役皆公力也僕衰 卷一百五

欽定四庫全書 老守之責勉馬趨事用不敢辭維時分省掾吏趙 需宣力以抵於平故為之頌頌曰於戲皇元君明 忠索正對畫居多知印達實哈雅宣使鮮聖李肅 右忠職至矣哀歸被省爵秩是崇實未足以報 通州判馬瑛隨軍帳下同知張阿勒坦布哈供給軍 顏必博 羅馳驅王事咸有功焉融州達僧喝齊善 知公之德敢因民思而勒之石焉若夫承流宣化 之忠孝八荒一霖豈獨玉融之幸哉僕昔侍公而 美西通志

臨相臣專征即將協心長披餘鋒笑剪渠兇後 融山之類民頌石焉期萬斯年 造於兹萬死無為凡此武功左相式隆克孝克忠 王融赫然雷霆熙然陽春仰瞻徳音最爾遺黎 雨嘯風號疾呼其徒如魁如鼯以速天誅王人遠 兹翁南地險俗頑叢生百鑾瞻天之髙勢若可 臣賢混 蠻碑記 無前禮度有文法制有型萬那來臣維 老一正丁 峢 臣 逃

次ピリ 車という 戈舳艫散江旌麾遍野以鎮守司設監太監蔡君 督都察院右都御史陳公金並奉節鉞共往視師 有總漕之命不果行總鎮御馬監太監潘公忠總 服詔三府元僚率兵徂征時元戎伏羌伯毛公適 難圖也惟聖天子天造神斷克清大熟以武定南 剽掠益横狡昏狂奔以干大刑弗戰將蔓愈蔓愈 而總戎之責總督公實兼領之犀甲熊旂錫盾雕 今天子即祚之明年守臣言粤管柳慶獞冠四出 廣西通志

亡慮十萬之衆而巡按御史盧君翊實專閱功糾 中軍由是兩廣之官軍及兩江之目兵雲合蝟集 陳君宗德及桂林知府汪金恩理鉤事仍悉統於 君榮命事王君秩蔡君鍊暨余監諸軍事以副使 前後左右哨以兩廣左右祭議林君瑭錢君瀬羅 弊之任上下同心彼此戮力罸既不貸賞亦無本 都督同知馬君澄都指揮僉事金君堂官君纓分 昭副總兵都指揮同知康君泰兩廣左右祭將署

金人口匠台書

卷一百五

次定四事全書 **典類者也其暴虎其貪狼而其捷猿狗也惟在乎** 減風之所被罔不披靡顧兹蠻種乃敢跳梁山澤 縻勿絕而已我國家聖神相繼威武彰大湛思汪 招徕者並釋之仍屬分守右然政楊君茂元輩處 白搖巢掃六斬首幾千級其為蠻所骨從及願聽 是以所向無前以戰必克自冬祖春用兵十有 分嗚呼偉哉余聞古者天子之牧四邊也其義羈 八掠貨結巢據寨重為疆場之擾何耶盖蠻獞 廣西通志

自グセ 懷非威不能以敢非斷不能以行非智不能以謀 膠於一定不狃於一 非信不能以服又必如珠之走盤如環之無端不 刀胃流矢赴死如赴生趨勞如趨逸非仁不能以 莫難於將夫統十萬熊羆之士貙虎之力制之 治之者得其要禦之者有其備斯則疥癬之患有 非其道則若奔馬之轡不為吾用矣况使之觸白 不足為吾患矣蓋天下之事莫難於兵天下之才 E CIT 卷一百五 偏則兵未戰而先勝矣惟

欠三日日本江地 總督公具文武全材行事適機宜而風采足畏爱 炳 嫌於逼已所謂事成於同者非耶噫斯舉也鏗鍧 容不立町畦事之出於總督公者若自己出未始 決策料敵雖古之名將何以加焉總鎮公鎮静有 心力耳目使所至如時雨者公實有之出奇制勝 復旁午公則批答如流尤長於用兵所謂一眾人 凡軍中事無大小諸軍必諮而後行文移山積日 耀盪人耳目吾不知南仲山南之在當時亦若 廣西通志 <u>±</u>

金気に屋子書 聚至萬餘圍柳州城幾陷賊勢益熾遂併七里而 僅存一里之半嗣是以還曠誅數紀蓋羣兇猾冠 襲置横羅歸安堡以守禦之景泰初元羣冠蟲起 七宣德三年有山總兵者調兵勒之而反為冠所 樂三年種冠起有韓總兵者督兵捕之而蕪其田 是乎烈耶其事固無可紀耶於是柳州知府劉璉 進而述父老之詞謂馬平在國初本十有八里永 乃為慶遠宜山河池之獞所奪遂併十八里而為 卷一百

降則鏗然鳴蓋氣之感非自能鳴也聽於下風寫 檄躬在戎行雖獲寸尺之功亦猶豐山之鐘霜既 以師近而傳遠余誠儒生潤畧不適於用謬承臺 所未為有功於生人大矣非托諸文字之雅鳥足 堡以示保障七八十年光悖之氣一旦銷沮殆盡 之易而又奮餘勇出與謀開峽道以通襟喉置哨 不謂復有兵能壓其境者矣今兹乃若摧枯拉朽 口賦役復歸版圖見百年之所僅見為前人之

飲定四車全書

廣西通志

古四

金ケロかと言 辜而死者乎廼命新建伯王守仁曷往視師其以 嘉靖丙戌夏官兵伐田隨與思恩之人相比復煽 **德綏勿以兵處乃與師振旅信義大宣諸蠻咸慕** 集軍四省汹汹連年於時皇帝憂憫元元容有無 平思田蠻記 斯名於不朽故特强顔為之 自增氣故不辭而書之亦欲效養蠅之附購用垂 **旬日之間自縛來歸者七萬一千悉放之還農兩** 卷一百万 王守仁

欽定四庫全書 人 移身窟不復能國其臣莫登庸者因而據之踵襲 安南黎氏受命天朝以有其土六傳而至於穗權 平定安南碑記 守仁拜手稽首書臣林富張祐刻石 率土之濱凡有血氣莫不尊親嘉靖戊子年春臣 告思田母忘永徳爰勒山石昭此赫赫文武聖神 率服綏之斯來速於郵傳舞干之化何以加焉爰 省以安昔有苗徂征七旬來格今不期月而諸蠻 展西通志 羅欽順 支

定遂檄諭登庸父子使知大義所在迷復必凶復 黨聞而惴恐然猶時出譎計既卒不得遂乃具降 榜爺其國中士民俾各倡義輸忠以轉禍為福賊 命調集兵糧相機撫剿公博謀精慮規畫皆以時 察院右副都御史蔡公經方提督兩廣軍務首被 遂允廷臣之議將與問罪之師兵部左侍郎兼都 狀聞皇上赫然震怒謂點酋敢爾悖逆法所當討 故常妄自尊大兩廣暨雲南撫臣廉得其實具以 **欽定四庫全書** 諸將佐分領精兵十餘萬列屯界上將尅期進取 問登庸乞降之誠何以表見度其未即應遂指示 梧聞賊計尚懷猶豫毛公曰是制之在我乃更檄 **然赞機務璽書敦遣授以便宜之權二公乘傅至** 討諸軍兵部尚書兼都察院右都御史毛公伯温 於是為通其表於朝愈謂夷情叵測且臣禮未終 不可許上以為然乃申命咸寧侯仇公鸞總督征 表悉以其土地人民之數來獻伏聽天朝處分 展西通志

其姪文明奉表前進躬率諸小目及者老人士跣 陳文武官僚分班拱侍門既闢登庸繋頸以組令 不疎聽乃受其降表登諸案而釋其縛登庸仰 而趨至壇下俯伏以俟執事者宣布朝廷威徳莫 日昧爽設龍亭於上覆以黃幄旗纛儀衛以次畢 賊益恐亟以書來願束身聽命削僭號奉正朔歸 侵疆土地人民悉聽處分者一 切二公乃以便宜許受其降直關城之北為壇至 - E 7 如前章而哀怨加

旬而徧於四境流聞海内莫不熙熙如也降表聞 皇上察其誠至特矜而宥之復念其士民表請之 守公私上下皆相與事事如平時懼呼之聲不踰 聽訓辭總戎為言自非皇仁如天汝安得復有今 十九年十有一月三日也於是閉關微衛申固封 首無慮數萬少頃登庸遂趨詣軍門俯首再拜跽 黄幄拜稽益恭其國人遥列關外者亦皆北向稽 日其歸俟命於國中復再拜而出喜浮顏面嘉靖

大三日屋へ

廣西通志

ナセー

金分四月五十 哉良由我皇上神武聖文聲光暢達於無外故綏 之即來二三大臣一以尊主庇民為心而不為身 裹而登庸悔罪乞降皇皇焉如弗及是豈偶然也 後濟其亦憊矣今茲之役師集而未行糧具而未 曰自古制御蠻夷固非一策然或傾天下之力而 受上賞其餘陛賞有差於是廣中諸士夫相與言 勤授登庸安南都統使仍許世襲論功酬勞毛 加太子太保蔡公陛右都御史仍舊鎮暨仇公均 卷一百五

たこうりという 樂雖文辭萎弱竊以為晚年之幸殆無以加此諸君有 木 嘗不與眾同爱及兹側聽惟聲又不能 不與眾 同 謀故誠無不動信可謂無前之偉績已然非託諸文詞 請其又奚辭頗兹役之預有勞者武列自總兵副參 劉鐸來謁余文欽順卧病山盧既愚且耄然事端初發 施之金石將何以垂示萬世乃具書幣遣梧庠訓道子 下至千百夫之長文列自撫按藩泉下至庫莞巡邏 < 微不能盡載官爵名氏謂宜著在碑陰並垂不朽 廣西通志

金分四月子言 若參政翁君萬達則勤勞最著衆論攸歸又不容不 賊 臣乃縱涓涓莫樂遂至湯湯逞其詐力亂我天常 亦既得人萬全之舉屬此三臣調度既周詢謀亦廣 命將祖征皇威有赫將則元侯上卿贊畫撫臨重鎮 迷帝之則師弗窮在終然來格兹事違濶累代無聞 文告之辭明如指掌白花旆旆虎旅桓桓先聲所震 不圖今日見此殊熟逃彼安南世修職貢黎裔沒微 表而出之也其事既備遂聲之以詩詩曰虞有頑苗 卷一百五

大江日山里山地 有忠良齊驅并力動必應機謀無容隙陽開陰闔 明聖除兇有命大義書彰包荒有裕祖訓彌光亦 俾為都統以輯其衆交人驚喜有隕自天百拜稽 首天子萬年思昔舞干文德何盛媲美重華惟皇 驟重關風啓黄幄高張素衣委地長組縻肮土地 子曰嘻涸鱗窮獸忍弗生之悔悟方新惟新是用 沟甚驚湍企仰軍門輸誠恐後函表囊書戴星而 民天朝所有腰領獲全死甘速朽羣公上請天 廣西通志 九

金万世屋台書 平蠻碑記 史張岳總兵官征蠻將軍平江伯陳珪征剿馬平 嘉靖乙巳春詔提督兩廣軍務都察院右副都御 縣五都諸蠻蠻據危險為巢以十數大者五六百 貞石以詔無窮 慶正徳厚生式符嘉靖洪纖咸遂飛走攸同勒辭 默契皇東何頑不感何塞不通南徼既寧萬邦胥 亦不下二三百多儲蓄藏以防征秋八月徴 卷一百五 張 岳

次ピリ事と書 指揮李霽統東蘭兵由西道以向都博高桅龍船 潘都博克之遂進 圍魚窩馬鞍高桅諸巢冬十 議趙崇信監然將孫繼武統那地兵由東道以向 月幕府至自蒼梧廣東右祭政張烜從留祭謀畫 九月丁卯諸軍按道分攻雷巖北岸平田北冊洛 馬鞍平田北冊洛潘南團口巢副使魏良輔監都 統南丹兵由中道以向魚窩雷嚴同銀北岸左叅 兵悉會龍城分為三道右然政鄭絅監然將戚根 廣西通志

金久巴馬名言 敢 鞍破丙午魚窩破魚窩者尤險惡自國初以來凡 擁異繼登戰於医中又戰於支頂且登遂至絕頂 謀緩攻以弛賊備撤圍若去之而旋復乘之各募 並設無遺巧賊亦隨方為備明年丙午春三月僉 四攻弗克至是與馬鞍俱破蠻中震恐因撫輯餘 火砲矢刀迅激交發呼聲震山谷夏四月甲午馬 檄副總兵程鑒馳入兼統諸軍畫夜督戰攻技 死士緣石壁夜登奪其險陸據之諸軍以楯相 卷一百五

欠已日尾八五百 前是吳公以御史中丞撫嶺西而嶺東西無不被 吳中丞平街西前後功記 惟聖天子威靈彰播遐邇億萬斯年永永無尸 觀營壘閱諸將功最叙刻於崖石山可平石可砥 聖天子詔命是月幕府移駐柳城既又至干蔓周 黨分兵屯守護旁近居民耕種遂班師是役自秋 肚武異論莫能詳久益奮厲迄用有成功以仰副 徂夏嶺外行師未有若是久者而將士效命謀猷 廣西通志 王世貞 主

金分四周台書 餘級俘血屬三百有竒牛馬糧仗稱是提上加祿 大破之窮追出其背擄斬渠酋以下千三百七十 得昭平三屯最强而孽最甚即勵將士捲甲而趨 轉怯令勇因形為勢冠已歷歷墮股掌間而會課 穴而獨以西冠屬公公練卒蒐乗廣儲蓄申賞罸 冠者當是時御史大夫凌公以十萬衆為平諸巢 公議先其急者選將士分道襲擊復大破之制 等錫金幣優獎已北三河池饰吃諸冠復叢 卷一百五

次足四車上 即進公御史大夫盡護嶺東西諸將吏民一切得 憂今者安在蓋甫服除而太宰以全嶺之大師請 役比於中土天子時時心念一卿士能寬我南顧 丁內艱去當公之破賊時輛行視要害立城邑民 監錫金幣差次之而公巳入為右司徒矣未得代 腑擄斬渠酋以下四千八百餘級俘血屬三千一 百有竒牛馬糧仗倍蓰於前捷上詔錄一子入胄 其良者而儲胥之俾專精其力終南畝畫賦給 廣西通志

金牙巴尼台言 領東之人望公亦若望 歲公至而士飽馬騰將吏 與平樂昭平永安訪浦稱媾而抄界行旅剽處廬 畜浸淫及遠衆議大征公曰大征費鉅莫措也且 **觀熱唯敵是求公曰不穀拜天子之命綏靖若曹** 乳之赤子復歸父母之懷而其威德之所流聞則 便宜從事於是領西之諸將吏民懽忻鼓舞若離 不可完武姑與時消息久之府江之大桐江猺起 示之聲迫使匿也潛分兵為四哨屬文武大吏將 卷一百五

火ビコーショ **青監錫金幣如前蓋聞之嶺東之地沃饒而其三** 垂迫於閩粵及西南諸水國無所不通道是故利 在海而害亦在海筍西之地境埆深巖大壑箐 百餘級俘血屬二百有奇先後提上詔錄一子 之勁為五哨分道掩擊復破之擴斬渠酋以下 餘級俘血屬百有竒撫而即業者五百餘家而亡 何金鴉松栢深埇等冦復繼起公即移師合筠東 之凡十餘戰躙其穴百十餘處擄斬渠酋以下千 廣西通志 Ī

金分四月全書 敏之算亦不能盡快其志自隆萬之間執政者始 然亦僅僅取懲艾雖以韓襄毅之果王文成翁襄 家之於強撩取羈縻而已間不勝其擾一 務以威勝之決策除剿於是凌公與前後大師 劉諸公皆極其兵力不避鎮鄉之憯而賊之 在山而害在山嶺東之害故驟發驟定且無論國 毒瘴往往而是自職方之圖益闢而與稱獠接 皆喜亂不憂死勝則蝟集敗則鳥窟是故利不 卷一百五 搜捕之 /授首

欠已日巨人正司 矢其文德洽此四國公豈不亦仁人長者哉公故 後必有陽春吾兹為嶺右稱休矣召穆公之詩曰 肘金横玉之報顧上以節縣官之帑而下以惜生 所有餘而擄斬若稍不稱提亦不時上公豈不爱 兵力不踰賊勝乃能鼓其所不足而擄斬恒過當 人之命其爱有甚於肘金横玉故也語云霜雪之 及其繼諸公為大即其兵力數倍賊矣顏必抑其 於鋒鍛者十巳八九矣公之佐諸公當右臂時其 廣西通志 盂

金好四月全書 隆慶四年皇帝念廣西地方近為諸尚蠻所蟠據 書金帛之賜云不獨以武功顯 學其地有賢聲當二千石吏治時為天下最拜璽 定遠之語任都護者語之也公吳姓名文華嘗視 我併告公公今政成且入輔矣即有代者願以班 平古田大功記 狀授余余為之叙其畧如此陸生倘以示公則為 與余知交而中表陸生某衛公德自衛歸而以事 卷一百五 張 翀

先平古田蓋古田自弘治以後官兵敗績縣治湮 都御史授節鐵而來維時兵部左侍即蟠峰李公 西控滇貴北連荆楚蓋天子所以藩翰邊陸之國 縣日以削乃下廷議諸大臣議曰廣西南制交阯 所宜先適今都御史華溪郭公某為左轄力贊公 某為總督素與公志同道合公既至即機諸司議 以開府其間殆不能有成功乃簡石汀殷公某以 也誠不可委之不治然非專敕撫臣特有才望者

欠にり更ない

廣西通志

麦

金切口屋石雪 事以然政柴君冰然議龔君大器副使鄭君一 七月徴各司兵凡十萬人總兵官俞君大猷總其 奇俘獲賊屬牛馬器械以數萬計我兵無! 進凡三閱月破巢六十有二斬首級七千四百有 山都司錢鳳翔董龍魯國賢等各為督哨分七道 **餉以副總兵門崇文叅將王世科黃應甲遊擊丁** 應君存卓卲君維中僉事金君柱等各為監軍督 没甚至越會城脫命吏罪莫有加焉者公意遂決 卷一百五 龍

者生擒首惡韋銀豹等械送闕下皇帝稱賞焉各 田也在先朝之初則以三省之力而不能救諸將 及卿士大夫莫不感公之德思以銘之百世某里 廣右用兵以來二百年之偉績數廣之父老子弟 謂經畧之全能矣即令桂林以西民徭樂業豈非 里最頑梗者立為三鎮以分其勢而扼其背焉可 晉秩有差公又疏復縣治改為永寧州即其下 也胡能贊一辭哉因不揣僭為之言曰同一古

展西通志

美

成功之中也收兵之後不事虚文必分勢立鎮以 堅其無反側之心此成功之終也非始不足以乗 多算不奪於羣議而一時文武諸賢同心戮力此 此成功之始也公又以豪傑之才光明之度壯猷 元老銳意安攘之烈故公得以無內顧而展其才 推其故有三三者何天子保治留心四夷而碩輔 數句之破竹豈其時有難易抑亦事有優劣數當 之倒戈在當今之時則以八十年之險而不能保 老一百五 未易言也所深幸者有石汀殷公為之於前而又 降斬三萬有奇乃請罷兵屯古人經界長久之計 斬萬餘人詔罷兵矣充國獨留屯田明年五月又 不可見乎是故廣西之冠亦多矣如古田者不暇 趙充國經署先零之時兩將軍與中郎將出擊降 事機非中不足以決大策非終不足以保長治然 悉數古稱唐虞之仁不能柔秦漢之勇不能威信 則是功之成也不亦有然哉雖然某猶有說焉漢

火色日華 白馬

廣西通志

Ī

金気也是白書 之將來 亂自秦以來教化所不能行思信所不能結唯在 立皆非尋常可同日語者則吾父老子弟享太平 得華溪郭公繼之於後二公皆當代豪傑其所树 維廣右崇山大谷逶迤數千里蠻生其間負險易 乎威之而已威之為道小之則剿大之則征豈不 平府江大功記 之澤寧有窮歟寧有窮歟某不敏敢以是刻石告 卷一百五 張 翀

次足四車全書 廣兵部侍郎兼食都御史古歙殷公某當古田戡 適膺其任公蓋憂民之深策事之熟者會提督兩 之寄者哉維時巡撫廣西副都御史莆陽郭公某 者雖仁人慈士猶且奮臂况以豪傑之才總文武 五縣之內行旅官民田糧府庫受害有不可勝言 今幾六十年矣其間**負固阻塞**封掠占據使 府江徭獞當全省襟喉之會由正徳已卯以迄於 存乎其人哉諸蠻自荡平古田之後稍事敛戢唯 廣西通志

金欠日月八二 使金君某僉事夏君某為監督官以右江祭將王 極留意地方者命下之日公遂調計兵食發左右 以為稔惡不討無以固招徠者之心不如征之便 定之餘有荡平全粵之志乃各疏其狀於朝朝議 統督官總理糧飾則以黎政胡君某紀驗功次則 世科都司錢屬翔王承恩原任都指揮使董龍為 兩江之卒凡六萬人以兵備副使鄭君某分巡副 而以先後巡按御史李公某唐公某紀察之二公 卷一百五

欠にり見んは 渥公又以大征甫畢善後宜圖爰酌六事上之六 不計其數何其偉哉報至天子嘉之恩賽各有優 下無不克者凡斬首五千級俘獲數萬頭招降者 倒各退保堅巢即分兵攻之戰愈力賊各墮崖而 冬止於萬歷元年之春正月賊來迎戰者隨戈而 矢心戮力驅馳乎師旅之間兵進於隆慶六年之 兵官李君某於是分布既定謀散載同諸君罔不 以副使劉君某至於總統一切軍事又皆屬之總 廣西通志

金分四月全書 繁者減矣何旬日之間而先後頓異如此耶譬之 費日繁既征之後阻者通矣危者安矣損者增矣 居室然千金之家久而不治日為風雨侵愈支愈 糧而以兵備副使徐君某然將王承恩終其事至 敗矣善居室者不以一勞為憚即其敝而新之有 今三 尚两岸之間諡然稱順治之境矣嗟乎一府 事者復土司設專將通水陸處兵費定縣治分田 江也未征之前商旅日阻州縣日危田糧日損兵 卷一百五

是膺謀似泉點斷若雷聲乃秉天戈深入其穴電 險彼府江蠻員為限幾六十年咽喉之患帝命方 聞古田平今又府江平寧不大有懽快乎睹淮蔡 里人也抱桑梓之憂昔嘗鳴之闕下久矣乃客歲 叔爰整其旅滕焉南顧施此時雨維此方叔王命 之豐功乏昌熬之健筆爰效厥義用附里銘銘日 任事憂民者地方之利也故曰存乎其人而巳某 不煩然改觀者乎是故因循遷就者養亂之原也

欠こうしいたう

廣西通志

手

金灯四月全書 諸賊先是都御史巡撫殷公暨華溪郭公次第平 慶之間則有懷遠八寨北三為最古田府江懷遠 廣西之冠在桂林蒼梧則有古田府江為最在柳 家父老曰嘻覩此洪造願言根除百年是保 平北三大功記 屯田便宜膚功既奏帝白孔嘉思費有渥光於那 掃烟清霜雅塵絕我雅我民我尚我谿何以善之 乙矣唯北三八寨至今未平瘡痍未起加以蠻性 卷一百 張 翀

諸執事者曰惟廣右僻在南疆猺蠻為害梗化久 兵無愈於此者吳公曰善會柳慶守巡各以遷職 則諸蠻不懾諸蠻不懾則八寨之撫不堅宜先加 則跳梁已極且立亦幟於諸蠻之間使北三不懲 矣其議所宜先加兵者執事議曰今之寇莫憂於 吳公適開府廣右討謨勝算武緯文經乃檄地方 變詐巢穴險阻當事者慎重之也萬歷五年小江 寨北三其八寨業已招撫徐觀其後而北三者

欠已日巨八三

廣西通志

圭

金分四月全書 將王君瑞焉兵果先從便道故為聲影於河池姊 而又合謀於吳君其猷益壯矣乃以右江然將倪 校各次第抵任二君素沉幾諳練加以受成於公 法也君其先聲指亦咳河池乎吳君曰敬聞命矣 行公戒之曰兵貴潛機使敵莫測近而示之遠者 去公遂檄水寧兵憲吳君善來經畧其事焉吳君 君中化統柳慶諸兵而遷來三哨則屬之永寧祭 公遂徴兵於各土州司會守巡該道陳君俊尹君 卷一百五

飲定四車全書 態耶績上上嘉之晋公大司徒郡中鄉大夫及父 **屯種益為善後計凡八寨以南河池以西靡不聯** 兵以來神速稱快未之有也公又疆理土田分兵 視擒斬倍之牛馬器械視俘獲又倍之自廣右用 巢寨一百有奇擒斬四千八百名顆而俘獲賊屬 絡待命恐恐焉不保旦暮豈有縱橫出没如昔日 為從天而墜已不及掩耳矣兵進凡三十日克破 咳之間賊不以疑也不數日則兵趨北三諸賊以 廣西通志 Ē

金タセルと言 事倍於古田府江而他日頌公之功者豈不益浮 於桂林蒼梧耶卉服椎髻鳥語狼心不示其威則 文是其文不足而其功常有餘也况公之北三又 梧今桂林蒼梧之間頌二公之功者尚浮於僕之 老子弟各置酒為地方慶且詣守巡使君請記使 君轉以屬僕嗟乎翀胡能為公記耶昔石汀殷公 不憚也平禍定亂昭德垂信不假諸勒則不傳也 平古田僕書於桂林華溪郭公平府江僕書於著 卷一百五 てこうら ここう 然懷集介封開陽賀間蠻獠錯居而金鵝松栢古 两廣故百粵地國家並建兩省剖土分疆若犬牙 平懷集尚蠻碑記 幾已殆盡遂援筆為記 敢反乎何敢反乎張翀聞之乃從前數廣西之冠 書諸尚徭獞莫不相率來視以手加額曰南蠻何 之碑如有待耶於是父老子弟争趨而磨懸崖而 南山之石玉屏仙變風雨不來千載一日此非公 廣西通志 管大勲 圭

多定四屆全書 高萬徐廷穩鄭明端歐福正吳朝海等糾黨三百 龍洲夥衆流封百户朱裳死之萬歷以來肆刼獨 每一 餘剽寧尚抵下埠衝寨門掠開建蔡村封川文徳 縣江道罪亡赦歲甲申冬賊首嚴秀珠車廷惠劉 週越刼西水攻陷坊郭里殺新民羅廷朝阻截知 城水細黄沙等筒皆賊巨窟聯絡深埇湴筒諸巢 戮居民熱世通等擴男婦財帛勢猖獗官兵不 出沒兩省騷動選事亡論已隆慶初劇賊陳 卷一百五

大百日草人は 懷賀封開吾重鎮肘胶豈堪此鴟獍講張戲獸咆 行廣東巡海副使陸萬鍾羅定兵備食事鄭 巡副使王泮府江兵備祭政葉朝陽決策議剿密 便調發撲滅爾廼會巡撫龍溪吳公巡按姑蘇黄 哮邪夫主上授節總制正以兩省卒警兵力牽制 贼乗虚至梧肇兩郡震駭總督連江吳公赫然曰 能充總旗史二死焉當是時我西粤方大舉府江 公馳奏闕下檄蒼梧兵巡僉事來經濟暨衛西兵 廣西通志 茜

金为口屋台書 **然將王如澄領蘭尚哨克古城上下二尚斬鄭明** 端原任祭將魏宗瀚領石牛哨攻深埇佛萎雁埇 諸巢克之 領伏虎哨克松柘埇七金鵝三筒斬嚴秀珠原任 以乙酉歳二月二日癸卯即枚齊發祭將載應麟 哨選將轅門咸會梧蓋若聲援西討者賊不為備 部兵併歸順都康二土州戊兵三千五百名分五 挑總兵標下東西兩山精銳三千名發潯梧粲將 斬劉高萬原任遊擊沈茂領會珠哨攻 卷一百五

戊申破飯甑埔唐午掃大灣山賊披靡俘斬有差 懷集縣知縣林春茂督兵把截燕嶺三妹等山生 克之生擒歐福正賊奔崇崖據險結陣拒敵諸將 擒吳朝海殘黨窟匿嚴谷中甲寅下令按捕悉強 士奮勇併力仰攻甲辰擣青水尾丙午奔鐵帽山 守備楊壽甫領仇尚哨攻大灣磨刀企埇諸巢又 之撫銅鐘牛欄良搖四百餘墾田立營留兵屯守 水細白蓮黄沙龍塘諸巢克之生擒徐廷穩原任

欠己り事へい

廣西通志

Ī

金分正是子言 是梧郡太守林喬楠同知鄒通通判李先春劉學 怕推官莊敦義請紀其事勒之懷山俾百蠻凛凛 賊屬男婦二百餘馬牛器械稱是師行僅逾兩旬 矣上聞併錄府江功賜璽書出金帛爵督府吳公 批擣之竒戡定之速蓋有莫測其幾微者符數休 泉不淌七千兵無加的神謀妙算悉禀於督府而 已已班師是役也擒斬首從賊總八百有奇俘 人晉巡撫吳公禄一 卷一百五 一級餘將吏次第叙資於

次足り事を言 驥遣神兵通上帝所至愚民奉若神明遂建號太 器狡焉造反也乎何隆安縣賊馬日仙者身挟 魔愚惑衆展自擬齊天擅以天爺自號謂能駕天 思郡自文成遷化以來士民安堵刀斗無聞迄今 無事之福烏覩所謂潢池弄兵山林嘯聚睥睨神 被其体者士頌於庠民歌於野嬉嬉然共享康泰 水永向化云 -妖懋績碑記 廣西通志 陳 ま 瑶

金好也是人 徒淌山張牙布爪犯我疆域閱兵於膺舊之墟旗 斯時也急剿則根蒂易拔觀望則滋蔓難圖是非 平時而政若春温有事則令嚴秋肅畫計如神 乎朱公諱國旺浙之嚴陵人起家文學更諳韜 運籌帷幄決勝千里焉能掃蕩妖気保全無類也 鼓若雷聲震天地四野流離萬民惶懼勢亦急矣 平元年頒建已歷日立將相設官僚納叛招亡聚 獨蚤遣官兵以扼其咽喉調土兵以破其胸 卷一百五

鄉兵擒陸應宇於隴建之嚴者公以完策勝也公 楊墟之界者公以正兵用也其令富賀邑侯親督 夙夜籌謀卒致元光獻馘魍魎潛形疆園清寧中 經歷胡湜父子不避九死躬冒矢石擒馬日仙於 士宗林才等於定羅之疆者公以竒兵用也其令 擒虎其令司官徐士焕哨總楊玉保蒙思堯擒陸 兇喪魄餘黨散亡渠魁分析遂爾揚威推陳探穴 加之縣兵扼絕於前道兵轟列於後四面交攻草

欠こり 同人計

廣西通志

金好四周全書 歸化圖記 故為左州屬左州土官黄仁之謀立也使人 文因質叙其勲伐以鐫於石俾萬世而下咸知、 明經張鵬翮等惓惓問言於予以勒其私予言不 詎能揄揚其美也哉乃薦紳黄玉鉒孝廉紫凌雲 外視福其所保護者宏其所奏績者大 之盛績謹為書石水記 ·歸化圖者龍州傑宜馱客宜陽諸十 卷一百丘 田汝成 大僅僅一 村村

欠正可見 八十二 地而求貨於我事濟是我有大造於左州弗濟則 也奈何勿聽夫彼與其弟争欲以賄朦不愛其土 之曰左龍隣也緩急人之時有恤隣周急仁義事 祭祀惟是先人之土田不敢爱其以腴沃若憐宜 顧寡援仁又素貧願以君之靈定之使仁得奉其 龍州趙奎曰仁不恐宗祧之故而有閱牆之爭四 八村者為君供湯沐具四十年奎欲毋聽或說 (村者自在也君何怯焉奎許諾假四千金卒 廣西通志 兲

寳而令寳厚貲酬楷豢雞之稅十八村與焉楷素 龍州亂無主都御史林富令趙楷以官讓其兄子 奪也已帖堅六傅而至趙源源死而有韋應之禍 與後仁孫昱以罪誅左州置流官龍州喜曰莫子 請帖堅怒曰我生髮未燥固知十八村我屬也弗 定仁位後四十年而奎子帖堅嗣左州以十 愈恣州人畏之於是雖左州不敢煩十 狙詐多黨與兇弑兩主亂龍州者垂三十年得田 卷一百五 人村矣然

金灯四月全書

欠足口事人日本 環太平置附縣視他府時不主其議實賂楷時亦 十六年楷復弑寶而朝議有交南之師太平當交 有言於督府者督府方幸楷還寳官不暇省嘉靖 正徳間知府胡世寧詳督府請追奪龍州十八村 為逼為龍州則太平孤立土酋重大懼不能自存 左州太平府屬龍州則否而十八村環太平府郭 又太平故無附縣故十八村為左州則太平不以 首壤於是府人訴單弱愈急且曰即有警是無 庸西通志 芜

金灯巴尼石書 則村復村復則縣立縣立則府實乃可有爭設計 謀交虜農太平以提我摇動非小請先誅楷楷誅 自存別此軍與夫楷三弑主而自立一旦應誅合 太平以十室居土酋中何異肉處虎口承平無以 擒楷傳翁擒楷諭以立其子不絕趙宗因曰汝子 太平也督府憂之屬兵備副使翁萬達為計翁曰 三尺之嬰公立之者以趙氏世有龍州所謂定分)龍州亂垂三十年一 卷一百五 旦待襁褓而定者以篡奪

次巴口事公馬 言曰新民多偶語疑有變於是翁曰督府下令以 里檄知縣徐舒指揮王良輔經理其詳舒良輔來 言立社學教弟子事畢而楷妻黄氏亦時時向州 附太平府而以十八村為崇善縣歸化圖編户 **必討罔可逃刑所謂天憲也汝不死不足以明憲** 十三事撫新民内二事定賦稅二事均役力一 以生楷也手條列十八村籍上之翁廼徙崇善縣 人村不出不足以嚴分楷涕泗請死日即是所 廣西通志 四十 一事

金灰巴馬名言 尚十い 内寧之餘外顧不廢以故人文日開聲教遠被四 勤鬼方三年遠役未憚何者區域有殊含生則 善諭曰魯頌有言戎狄是膺荆舒是懲孟子亦曰 屬若革無觀望搖煽禍趙宗也新民大定遂徙崇 則聖人內夏外夷仁至義備法天資始體地含宏 用夏變夷未聞變於夷者也夫有苗弗格文徳是 目農賢華流涕曰今天官定我家十八 八村者穴蟻轍鱗何所輕重歷年既富遂啓 卷一百五 八村故左州

欠已りしいます **戎心嬰情金玉徘徊雞肋彼狂何知日尋禍亂是** 憑之變為始條理事南太此舉為終條理事豈不 孤宜恤而十八村之約不可寒也於赫翁公執我 故忠州之酋宜撫而四尚之富不可繼也龍州之 以龍憑之事折衝樽姐屠剪鯨鯢勞徵裹甲功崇 以崇信膺懲協謀變易合道不其偉數說者謂龍 天憲戡亂以正刑拔餌以信憤繼絕以廣仁徴盟 立戈決策為難運籌居上此特開誠布公驅逆效 廣西通志

金岁四月五十 质西通志卷一百五 順較之 我藩籬飲啄無擾而且反倒悉心觀観絕計熟謂 於碕楫柁備施或洄於波收彼粗悍如捕犇 終條理者為易易耶智者知之可為道也 三 於彼似為雅容爾乎於戲輪轅既飾或推 卷一百五

欽定四庫全書度西通志卷一百六


詳校官給事中 臣節文泮

檢計臣德生覆勘

總校官進士臣来 校對官中書中華 騰録監生臣田琦神

蘭

鈴



金好四月子言 蠻越接和乃大城桂州其方六里其木魔瓦石之 材以枚數之至四百萬有竒用人之力以工數之 於是遂推選士大夫所論以為能者付之經畧而 非獨守吏故特推恩褒廣死節而一切貸其失職 今尚書户部侍郎余公靖當廣西焉寇平之明年 足歟蓋夫城郭之不設甲兵之不戒雖有智勇猶 不能以勝一日之變也唯天子亦以為任其罪者 十餘萬凡所以守之具無一求而有不給者馬 卷一百六

欠近日時 红土 與起舊政則城郭之修也又當不敢以為後蓋有 先王有之而非所以恃而為存也及至喟然覺寤 城郭也卒於陵夷毀頓陷滅而不採然則城郭者 友之禮失則夷狄横而窺中國方是時中國非無 而人莫或以為勤也古者君臣父子夫婦兄弟朋 其財勞之欲以休其力以故為是有大費與大勞 為役亦大矣蓋公之信於民也久而費之欲以衛 以至和元年八月始作而以二年之六月成夫其 廣西通志

金分四月子書 赫之名承之以翼翼之勤而續明明之功卒所以 攘戎夷而中國以全安者蓋其君臣如此而守衛 其所先後可謂知之矣慮之以悄悄之憂而發赫 仲山甫此二臣之徳協於其君於為國之本末與 南仲宣王之起也有諸侯之患則城於東方而以 也故文王之與也有四夷之難則城於朔方而以 其患而圖之無其具有其具而守之非其人有其 (而治之無其法能以久存而無敗者皆未之聞 卷一百六

欠正日 上江 鄙移師戍之今大帥寶文胡公時以郎官轉對 **嶺右自淳祐以來數傳雲南有寇患朝廷重我南** 後之人焉 故其將吏相與謀而來取文將刻之城隅而以告 勤於今與周之南仲仲山甫蓋等矣是宜有紀也 宜州鐵城記 平日久欲補弊立廢之時鎮撫一方修打其民其 之有其具也今余公亦以文武之材當明天子承 廣西通志 黄應徳 Ξ

金分四月全書 時佛貍未入寇盱眙守沈璞獨以郡居要衝繕城 城者可界虎符得武經大夫雲侯拱守之侯詣即 府受約束公曰惟事事有備無患耳昔劉宋元嘉 畧一道公至閱履封以宜當西南夷間道必能干 前獨謂遣戍非經久之策當如李德裕籌邊故事 果行也實祐甲寅秋前聞復棘上思公言乃復經 按山川道里擇險築城以扼其阻上雖下其議未 **浚隍上下皆謂過計及魏兵南向所至赤地而大** 卷一百六

欠とりしいこう 聯絡而城之周遭一千八百餘丈為牆為門悉與 嘆曰防險無踰此矣及聞於公公以聞廟堂得旨 山相繆山之前下瞰龍江後倚天河四面形勝屹 以幣百萬下之郡鳩工計材伐石畚土因山之勢 壁懸崖内可容萬竈飛泉石井取汲不竭侯熟視 **随不足情則經營距郡二里而近有山環繞皆峭** 其隣獨不當為徹桑計乎侯奉命惟謹至宜顧城 將臧質特籍璞城以完往事明驗可見已今震於 廣西通志

金月四月子言 從可知矣役始於乙卯季春之望記於仲冬之朔 指授規畫必躬必親其董而相之者郡從事鍾敖 器械時積之所成備而侯未以民遷始徙附邑宜 然天成鉤衝內薄無所施也凡州縣治寒舍糗糧 文學掾林均清遠節度推官顏得遇也城成以其 水地于兹新城又以見侯之是役非獨地利人 **砌疊皆石乃名鐵城圖上即府實文公命應德恕** 山治隷焉然宜民知保生聚者亦莫不適有居用 卷一百六

欠日日本 為記 重修藤縣城記 以其左右江東流而經其城之北繡江北流而逾 廣右之地西接苗蠻南連交阯惟滕最為衝要蓋 得候為保障重門設險於以禦侮備患也何有是 **險則人力存焉重門擊析以待暴客為暴者不必** 有也而恃吾有以待之易前民用豈我厚誣今宜 之夫王公設險以守其國地不能自為險也而設 廣西通志 五 瓊

金岁巴尼 有言 猖獗從繡江下攻陷其城殺傷軍兵自後來攻 守牧者每遇警急立栅段防而已矣天歷乙已冠 至治間始有尚冠自右江乗舟出沒行刼往來任 稠古城方有五百丈自宋末歸附至今圯壞久矣 其城之東二水環流接於東廣舟車輳集人物繁 十七次縱火焚蕩民舍官廨神廟悉為煨燼至順 初首詢被陷之故慨然發憤遂集諸父老會議因 未春朝列大夫三峯文侯魁來知是州 卷一百六

申二月初二日冦有四百餘徒乗舟至城門侯乃 四境亦設搖目官給旗號法令嚴明隊伍整肅壬 觀矣乃分布軍兵措備攻戰之具嚴加守禦至於 新而秋毫不擾敵樓雉堞聳漢連雲為嶺外之傑 壞隨令修葺於是民皆歡喜趨役旬日之間城塹 派每十丁修築一丈立定規模傳之久遠但有損 版籍遭火不存乃督屬邑各社農業丁口驗丁數 古城舊制而增損之務在於不擾而辦然以本州 廣西通志

大巴马巨人(min)

金月四月子書 侯之力而遠方商旅鄰郡士庶扶老攜幼而來托 至二月初十日從州北潛地而回於是州人益感 餘艘是夜艤於城之西岸見城防守嚴備不敢 能為害癸酉正月二十七日有冠千餘徒乗船 而去是歲五六月間冠數次往來皆潛踪而過不 將即軍士赴敵殺獲旗頭蘇為等三名射傷頗衆 又分攻東南二門城中築禦謹密冠各退散向梧 下梧遂流攻却封肇諸邑殺戮軍民横屍蔽 卷一百六 向

次三四事と 静江新城碑陰記 守於藤適際蠻冠作孽衛外二廣海北三道多雅 矣其他豐功盛徳形於歌頌登於篇章於此畧之 化譬猶廻狂瀾於既倒矻砥柱於中流焉信其難 其害獨藤城殘破之餘得侯為完修蠻冦避不敢 予嘉是事而敬公之德遂為之記 可也兹以滕人父老備修城之蹟徵言書之於石 者如歸焉侯乃西郡世家顯仕於朝自爲器望出 廣西通志 楊子春 ł

金贝巴屋有量 服城池稍以廢弛至正十有一年監憲伊勒齊呼 行宋蘇文忠公諸說以湘南為鶉尾之次桂林當 州總管府置大使唐因其舊尋改大都督府後又 廣西古南越地當楚越之交秦漢為南郡史禄開 即府立廉訪司以糺劾一道稽之分野則唐僧 陞為節鎮宋置經畧安撫司國家混一家宇建元 靈渠漕運乃通歷代更草不一隋廢始安郡為桂 一度其論西有所據我朝承平百年蠻夷率 卷一百六

次已日華 白馬 南而西城廣袤三千七百丈監築官吏分命督役 倍至萬經制之費皆出於此以至正十二年冬十 **險守國之要遂捐俸於官貿易海鹺積以歲月息** 六州國保於民民保於城乃議建築城池以為設 月甲子鳩工軍民就役者五千餘人自北而東由 南衡永皆警绩海震動公諭衆曰八桂根本一 公憲副是邦明年淮右盗起湖廣不守賊遂入湖 各賦四十丈鳖石於山督工吏士凡二百餘人 廣西通志

金页巴尼白雪 建睥睨各數十百又東為就日門又東為癸水門 城兩廂皆砌石三重基址堅厚自下樹石櫛比而 東北寳積山連風洞因山為城増卑益高築女垣 折錢一百文廩米三升凡城內外自頂至踵皆絮 計日取石皆有數工匠及軍民充夫役者日給鹽 為行春門又正東為東江門正南為安遠門 以大石瀋米為膏煉石為灰擣如墐坭塗澤其中 上端方周正文理緻密繚繞周廻一十餘里起於 卷一百六

高廣又倍之守城吏士為周廬五十三所以庇風 雨城上壘陴外向皆有箭眼内亦設女牆以防墜 觀覽團敵之中又其大者建雄邊樓城門樓閣其 **陟圉敵為臺者三十九臺上建棲樓皆外向以便** 設圍閣其最大者為逍遙樓下各為磴道以便登 門為安定門為拱辰門為鎮嶺門城門皆建樓閣 為麗澤門為西成門西北為實賢門正北為迎恩 明門左為掖門以達東江門又南為小南門又西

次足四事在馬

廣西通志

英欠せ足人手 時休暇以恤民力以實計之四年而克成厥事其 有竒城面濶三尺有竒以丈計當用之石一千餘 勤可謂至矣城以文計三千七百有竒城高二丈 枚為石三百一十萬八千有竒工石之工以日數 正丙申之冬竣事庚子歳之八月凡一歳耕獲之 長虹天嬌烟雲相連誠一道之偉觀也肇基於至 以護城輪兵一新雉堞相望流水紫帶羣上聳立 佚城之顛面皆砌以磚石其平如砥外築闌馬牆 卷一百六 欠記可奉在時一 **奇灰以石計三十餘萬有奇領甓之數三千萬有** 樓以間數之一百七十五楹有竒竹木之數計百 萬一千七百有奇軍民之役於官者傭工廪稍為 用之廣鹽以引計九千九百有奇折緡錢三十九 奇金鐵之用以斤計之一十萬三千八百有奇財 餘萬仄與米和而為膏計米四千八百五十石有 以日數之一百二十四萬六千四百有奇城臺之 之六十三萬五千五百有奇軍民夫役之在官者 廣西通志

金好四屋子書 事勒之碑陰云 至四年於兹城築大事也不可以不書爰備述其 米三萬一千七百二十石有奇犒賞之用不在數 焉其費可謂大矣是役也官吏督工役者一百七 十八人工石之工一千二十七人竹木之工一百 人惟百執事之駁奔兵若民之効力其勤勞之 八人取石於山監臨官吏二十七人吏卒四 卷一百六

飲定四車全書 蒙山蒙江州之得名以此年代久遠與廢莫詳幸 **昂奏草縣治為古眉巡司隷平樂縣立山之廢久** 之地志唐武徳間始有立山縣隷樂州樂州即今 經百年各處強種竊反居民流移他境守土之臣 平樂府則蒙州在唐時已廢或併為立山縣未可 間提兵深入殺戮未幾而光擴愈熾卒未有思所 知至洪武已丑邑民陷於草冠户損過半知州李 **承安古蒙州地也蒙州舊治去立山縣西其地有** 廣西通志

舉搖種亦人耳貪生惡死當與人同况聖天子明 邊務方殷而平樂府江之警尤急乃悉發桂林官 都御史朱英總督兩廣軍務兼理巡撫下車之初 軍順流而下會合總府諸軍授以方畧分聞尅期 進攻荔浦破賊險隘賊畏懼斂跡尋欲回師因謀 徳慎罰璽書屢下 諸總鎮從事者曰自古為治貴威爱兼行撫懲並 以建置安輯之者成化十三年丙申巡撫甘肅副 老一百二 未嘗不以撫綏為言吾儕受此

大三日 年上 寶等率衆詣軍門納敖願為編氓乞復州縣永為 保障都憲具招撫之由以聞蒙上深加嘆賞顧謂 各有成效立山摇老李恭玉聞風知感首遣子扶 兇頑復為良善未旬月間梧州府等處撫安編籍 重寄曾不是議而惟終歲窮兵以事征討無乃非 有為人所信服者通行招來期在同心同德感格 朝廷意乎衆皆曰然於是推誠備榜論以兩廣先 此致冠之由與今所以弭盜之方慎簡司府賢而 廣西通志

金分四屋石雪 李坦總兵平鄉伯陳政副總兵都督僉事白玉三 獎諭許便宜從事都憲憫立山之民首先歸順即 子與其捕剿以為功孰若懷柔以為德即日降敕 侍臣曰都御史言是四方萬里之民皆屬朕之赤 復立州治以統攝之斯經久計也遂偕總鎮太監 其地深廣四阻大山實廣右之腹心稱種之穴窟 寶為吏目合詞上請優詔曰可名其州曰永安於 司然議遂舉桂林府推官閉魯為知州土民李扶 卷一百六

弗事干戈一旦入於版圖轉殊音變異服奔走承 是都憲率郡衛執事等即其地披荆除草葉城鑿 其成焉始事於成化丁酉夏五月至明年四月記 知勸落成之日衆口啧嘖稱嘆謂百年梗化之蠻 又擇其俊秀子弟入學延師訓廸文教書與人心 工復以各民丁糧通第高下編為里甲以次應役 分工與作庶民子來於時鎮守少監等遂相與董 池周圍八百九十步門三包以磚石建州衙等處 廣西通志 ナニ

次足口事全馬

金グセルとこ 還厥後苗民率來格於帝舜文德誕敷之日我皇 争先歸順兩廣軍民自此可以安枕矣若都憲者 兵威而布誠信安反側而奠邊陲將見遠邇向風 捕是即帝舜遺意也都憲仰體聖心首建大策宏 上繼天保民專務德政而於統御遠蠻率先撫後 徳動天無遠弗届至誠感神矧兹有苗禹振旅而 之時徂征有苗三旬而猶逆命益拜首而言曰惟 順與齊民等於此知聖明之思大矣偉矣昔有虞 卷一百六

則廣西三司之治所在焉自桂之梧未有不經府 府江三城記 江者其江之流洄伏湍激亂石橫波兩岸之山哈 **荔水及他諸小水趨梧州曰府江梧有總府而桂** 灕水自與安海陽山分流而南經桂及昭會桂水 也子故為之記以為來者勸云 辯籌畫綜理之勞閉陳諸賢實任之是皆可書者 無幾無負付托之重者哉而其建州設學編户定 蔣 晃

欠記可戶公司

廣西通志

古四

金分四月全書 守無城垣居無屋守披草茅掛竹木以為營名雖 餘里自昔立為三堡戍以兩廣之兵合千餘人然 者精銳之氣銷耗且盡旦夕惴惴焉恐冦盜掩擊 士不免仍棲息舟中嵐瘴鬱蒸病死相枕其幸 最為要害之地曰廣運曰足灘曰昭平上下皆百 事剽劫官船商船往來為所患苦蓋非一日其間 曰營而實上漏旁穿坐卧無所一遇炎風寒雨軍 壁立如削而林箐幽阻為猺人所居據險伺隙以 卷一百六

欠已り巨人 師公由梧至昭溯府江而上歷於前所云要害處 南京户部尚書應城陳公通以左都御史來總督 兵備念前功未究思續而成之正德二年丁卯今 都御史華容劉公方始事於廣運僅完外城而張 副使餘干張君吉議城三堡白其事於前總督右 軍務君具以其事白之公慨然報可尋有柳慶之 君擢憲使去未幾莆田鄭君岳以按察副使繼為 之不暇其孰能揚臂鼓勇以當賊鋒哉先是兵備 质西通志 五

金牙巴屋有量 **兎所嗅豺狼所宅將營新城其父老進而言曰城** 舖四為屋如足灘之數昭平西岸有廢城一區成 平廣運則因其舊而加發砌焉為門一為棲二 十楹以處將吏士兵明年戊辰冬城廣運繼城昭 指授方畧令亟為之君乃以其年冬城足灘廣袤 化中總督桂陽朱公所築後陷於冠榛莽叢生狐 百餘丈高二尋為門二為樓五為屋於城中者五)規制請廣之使兵與民並處而移廢城舊覺以 卷一百六

壕塹其深與廣俱十餘尺竪旗標於方隅嚴鉦鼓 虚其地三之二以為民居而於三城之外皆環以 未嘗濫徵一錢其力則取於輪戍之兵及所居之 之九用銀以兩計一千五百有奇然皆出於公帑 萬計者一百七十有奇克半之木與石視磚瓦十 於旦暮凡攻守之具無一而不給焉總其費磚以 為門二為樓八為屋七十楹移驛舍巡司於城内 助費君乃度東岸亢爽之處為城一百八十餘丈

欠正印奉公司

廣西通志

金分四是有量 穴深阻出没無時臨以大兵則禽奔而獸逸殄滅 鎮君以書來屬子記其事寫嘗版大府江之冠果 未盡遺種復熾肆常時防禦不能一日去兵而所 沉之費既落成形勢壯偉規制完整此為一方巨 就簡於數百年之間一旦舉而城之其為一方永 以為守之之具者尤不可以無備顧茲三堡因恆 民未嘗他役一夫規畫考校極其纖悉無欺蔽浮 久之利未可以一二計也使非陳公好謀能斷長 卷一百六

| 飲定四車全書 | 嘉靖甲寅冬憲副洛南陳公以嚴明賢於當道 とく 算安能展布四體無所顧忌共成保障之功哉陳 修羅城縣城堡記 顧却慮知人善任不為疑阻則鄭君雖負壽邊長 友平樂知府安仁官侯最累書來速記且亟稱二 公保障之功不可以無述遂叙次其始末以告後 公名金字汝礪鄭君字汝華擢憲使以去予同年 た ある 通志 周賓與 さ

坐静言思之孰為善孰為未善孰可行孰不可行 故老鄉士大夫泰酌衆論以得其詳夜則明燭獨 方之治亂民生之利病山川之險夷道路之通塞 駐蘇湖以遏海冠明年秋始還粤西坐鎮柳慶至 院思庵鮑公因重委董師北行順江而下過金陵 因革損益之宜豁然有得則喜乃識之漸次見諸 凡可以禦冠利民者日焉於賢守令是詢及延訪 則於屬治州邑無擇窮荒僻地舉巡歷以徧其地 老一てい

敢居居於是者則遺熱及商販而已又窮夫宿冠 城卑而可踰越城來寇者不知其幾自是而民 羅色不但信宿於此目擊其荒凉狀因詢其故以 東而傾西居其下者每至於崖目不安公按歷至 治於深山之中環邑而居者僅百餘室而四顧答 行事其勵精於政理者如此羅城隸屬柳州設邑 寂潘泉分司舊無所備惟舊一公宇歲月經久撑 之所自至以西去六十里許異境劇冠盤諸隘而 ナハ

钦定四車全書

15年の通志

或越堡以過則尾其後而強之及其擴掠言還乃 跡自縣治延數十里皆帖席而卧而羅邑之保障 斯固先是公不欲勞民以傷財乃出公帑以募鄉 邀其歸路不使有隻牛疋馬之利則羣盜於茲絕 尚之坡以百餘兵守之冠來也遏其鋒而折之其 來集謀肆暴循麓而下僅二十里曰中尚環圍皆 並受其殃視此以為坑塹公深知其然因築堡於 山民物鮮少終日無人跡為冦所必經之路羅民

城池計三百餘丈增崇四尺周垣百餘丈高九尺 老楊楊而來喜色相告明日余勞以酒肉乃喧呼 出門而去笑聲應山谷又明日復來告云生我者 許首事於四月十有五日告成則五月二十有二 父母也保障兹土以安我者公也庶民小子其恐 日也蓋民樂於效用而公務因以猝辦工甫記父 余以課工余因以堡事分委巡檢李修自行督理 夫弟民樂觀厥成不召自來誠如子趨父事時委

卷一百六

九九

岑寂而悲愴莫黎元而求厥治兮計亦云其皇皇 也幸為識之識勿堅且久者感之未深也幸為鐫 為羅民識之哉因為之歌曰始公之來羅城兮覩 而冺不以窮荒而汨民既有以感乎公余烏得不 之爱無已也余因慨夫公道之在人心不以庸愚 不但感於一時之暫而已蓋庶幾氓之虽生荷公 石以記樹於衆所屬目之處使觸於目而感於心 **負公而弗感乎雖然感於吾心無以自見猶弗感** 欠巴马里产品 博白縣唐南州故地也武德四年始置南州建城 五年復襲陷於天順之六年成化間都御史韓公 雅營築之建門二正徳初知縣張壁光埋其南門 馬其後屢遭兵燹初毀於淳熙六年再毀於洪武 重修博白縣城記 宫之傍鹿干秋百歳兮允矣萬夫之望 兮頌公徳於不忘紀厥績於弗磨兮樹貞珉於學 **亟垣堡而崇墉兮庶起敝而還康幸羅民之安堵** 廣西通志 陳良珍 主

金河巴尼人門 邑者咸亟遷代去址基雖規度於無成功迨三年 與守况接領海之間密通搖蠻荷較負劍者不時 是上其議於撫按請發餘餉三百金修之顧尹是 竊發不擴而大之非所以蓄廣衆而杜窺伺也於 室富民鮮居其中萬歷二年夏僉憲道南適按部 延平林君瑄至殫力畢功趣竣事邑之博士吳君 至登而覽曰邑依於民民依於城城而非民其誰 名東門日平政門其形如雞卑且監懂容庾廥巨 卷一百六

次定四車全書 四 絡繹而不絕民咸樂之奚其勞余曰民其可以義 者環而列命侶而與石者奕而至累土而荷鉻者 得無重傷民力乎二博士曰適營度而衆工畢集 希孟王君文焯請余記其事勒諸貞珉以示來奕 動不可以私役乎令之以道則民翕然從令之不 余曰土敝則草木不長水煩則魚驚不大斯舉也 令不煩而趨事争先築者築度者度負擔而陶禁 以其道則民蹙然拂故虒祁築而晉石言長城築 廣西通志

者三千雖有鬼蜮狐鼠之奸望其垣墉遷延而不 其垣墉大其閥閱崇臺廣厦食客被統領曳朱履 賈室湫且隘珠璣犀泉文貝縣珠錯落户外客曰 耳兹舉將以庇民也非以疲民也令之以道者也 敢進矣博邑之饒甲西學奚啻一賈也往者居民 君有千金之積而無千金之室如慢藏何於是高 非强之使從也宜斯民之悅而忘勞乎夫秦有巨 而土崩兆非民之情異也顧上所以令之者何如 TO THE SECTION OF THE PARTY OF

たこりしたいう **奇刻南門曰廣化敵樓三串樓二百間經始於萬** 其垣墉如昔日者乎是役也城增一百八十丈有 逞者行將屏跡榛莽伏戎者漸已潛蹤寧復有望 之士日簡練操閱文教武備與版築並與椎埋不 紳環堵其中菁莪棫撲之化汪濊淪洽營堡卒旅 保其無窺之者平今百姓宏開皐門並建富室縉 恃以為環衛者兵壯徭夫以守樓櫓鳴擊拆耳能 之廬井衣冠之望族森列稠聚於郭外其内之所 廣西通志 Ī

金切四屋全書 生導祥之源靜則利激則害順則善下逆則橫流 **輒云水之害匪直士庶病也城郭亦病蓋水為發** 有崩剝自鎮江樓毀後河流湍迅遑進衝腰射脅 晉與郡治濱河河水醫岸者數十年浸淫之久時 頻年物力彫敝於帶冠紳之屬不啻晨星青鳥氏 重修南寧府江城記 歷四年七月二十七日成於萬歷五年二月二 七日董事課功者則典史黃珮本州倉大使陳崇 卷一百六 蕭雲舉

陸之患邊瀕海之患倭也故防海之憂與兵禍等 並會洪流巨浸每歲輛二三至以為恒俯堞而職 導其勢為城也計者厚其基裁成功力固兩相需 而捍衛之功與折衝等夫愚者處堂而嬉無足訝 之百雉瀕危勢凛凛欲墜故郡邑之有河患猶三 升梯然岸距城不數武春夏之交桃花白蘋兩河 也邕江之岸高於城身者尋尺循岸而上層累若 城郭於江宜遠不宜倡宜堅不宜瑕為水也計者

次足口事上馬

廣西通志

Ī

金グセルノコー 至為河伯窟宅何以奠厥攸居會治兵使者胡公 陽侯為崇佐以雨師一夕而拉然割然頻河之屋 潰重以淫霖隳之城以下浸浸乎阯半囓矣去夏 襲嬉無暇問封圻事日月彌久城彌傾仄土惡善 諸所為恤人隱核吏蠹嚴斥堠蓄儲精練軍實以 再徙明與二百餘載稍稍豐其齒育守土者蒙安 自儂氏亂萬棘問井以勤王師宋元豐六年城始 已智士識微窺遠烏容泄泄然邑於江左為館轂

大三日 巨人 武兩官董其役畫地而築分工而原勤者雄之怠 **繋髪凡若干召埏埴者司厥役傭直若干而以文** 者杖之經始於庚申之秋越辛酉匝歳而成城之 曷容已已於是召陶人為甓甓凡若干召石人為 簡及瓜以竣後之君子彼復狃如是將縣官奚賴 焉而郡守林公亦然曰設險域民匪城奚衛是役 而憂之謂卒有叵測如城社何若不即治因仍恆 備緩急其綢繆武事良悉暇以其時諦觀睥睨間 廣西通志 盂

金月巴居台書 與鄉大夫父老謀而屬余記石余聞夫子之繁易 曰王公設險以守其國未已也而又曰重門擊柝 **邦嚴嚴翼翼此乎稱鉅觀矣於是文武董其事者 閨閣凡四堞凡八十有九費僅二百四十餘編貲** 虞而方畫儆夜方雨戒寒其重門擊析之指所為 以待暴客良取諸豫當其卜卦尚象曷當有暴客 廉而速工堅而完厥狀如玉鱗皓齒望而知為雄 濱江與壕者廣輪之八十一丈高二丈五尺有竒

次定四車全書 是天子冲龄在有部師武臣力助動出塞奮而東 價如彼周之筋備而與如此城之不可以已也如 宣王中與修明文武之業既命南仲往城朔方又 被之管終聲若金石迄兹爛焉夫以莒之皓麻而 命宰衡保傅之臣若仲山甫者出而城齊其功烈 都之境楚乃得志有土者奈何示人以瑕異時周 惡衆潰傳曰莒恃其陋而不營城是故決辰而三 建威銷萌計周而策遠如此楚師伐莒以渠邱城 廣西通志 荳

金グセノ 繕管房行且集材鳩工議復江樓以防水患是東 詩所稱出則賦政入而式辟儻云天保治內采觀 大夫暨郡守能宣布上意而與南仲山南比烈也 之戒首營兹役至晨宵督属冀有永圖且募健卒 **乗軺行部宣政問俗即荒陴僻障趾必躬之邕據** 征又踡焉南顧時飭邊圉吏慎固城守乃臬使者 治外者非耶雖然城固有形險也無形之險在點 江左上游蠻漢錯處釁孽就就在肘腋間而衣襦 1:1:1 卷一百六

管鍵而嚴善險如是古者鶉觚城郎竣事而祭之 壞是在爱養扮循哉是在愛養扮循哉泉大夫胡 靈之其荷寵於邦君大夫也宜與邕之山川土田 並水水已代有與者畏民嚴而增修其關無俾城 危言代觚而爵焉敢謝不敏惟是上下神祗實式 惟時有鶉升觚爵之上主者以為祥徵余不佞以 名廷宴閩之漳浦人郡守林名夢琦閩之晉江 首當事者又呴濡而嗅咻之業已不樓櫓而壯不

欠日日年八十

廣西通志

芸

金分四月分言 瀧野狐之截薛南有馬嶺鳳山之嶙岩北有白石 **岑溪控轄連永而東有要峨崩塘之崿峭西有石** 烏峽之巑岏業稱四塞地矣乃柄事者猶然煩 吳應選楚之黄岡人法得例書 拓建岑溪新城記 郡丞張名繩阜滇之俞元人袁倅名見楚之潛江 之順徳人督役者萬夫長蔡名若芝郡人 可理李名自祭梁之固始人陳令名奇器東粤 卷一百六 曾 莘 (治獄事

次足の車を動 障以其社稷以安生靈事當道鑒其計謀遠慮真 足以護國而安民遂允其計而請命既得所請以 李紀等計先見此具呈當道請宏拓城池以堅保 亦非無城之患患在有城而卑隘不足恃以無恐 城之請何則岑非無險之患患在有險以為冦資 不佞未即入學舉其事屬撫夷別駕歐公爚撫夷 也鄉官深專監生深以梧貢生鄧鰲生員甘克敬 公規拓城堵幅員幾三百六十丈壁立儘一丈有 廣西通志

金ケロたとこ 凜悉心經理未幾城基開拓之始適王尉君覲事 炎徼之意何如柄事者為國為民之意何用是凛 饒倘不殫厥心而下窮民力上濫公帑如皇上 吏也私念用兵之後民間瘡痍未盡起公帑未盡 夷公以遷秩行不佞始奉檄視事不佞牧民守土 回任之日相與持籌而計隨事而酌版築欲速成 又虞重妨稼穑錢穀欲時出又虞濫恣及冐破幅 尺酌議經用凡七千九百八十餘金居無何撫 卷一百六 一侧

董梵築者董採運木料者他若髮的有奠肇基有 麓有隍以瀦水有三陸門以通道有二水門以洩 攻石之工攻木之工攻鐵之工博埴之工設色之 霖潦城之上有四樓櫓四敵臺一長生樓七百四 員壁立悉禀成畫復又採之與情益以臆見城之 工分視員役時則有若董伐石者董陶覺與望者 祀架梁有祝以至廪給犒賞工食優恤之類備 雉堞以資戍守佐地靈鳩合將作時則有若

欠已 日 自 在 后

廣西通志

え

金牙巴屋子雪 湯在望磐石永莫即猝有蹂躙可恃之以無恐是 載籍中者又不一而足統計經用共費帑金實四 古者有城非弟域民以封疆之界盖亦取諸威民 重修太平府城碑記 宜記之以詔來祺 月告成蓋閱歲餘而冬城非復曩時之景象矣金 干九百八十二两有竒經始昨歳仲秋至今秋孟 之義故仲甫之於齊召伯之於申於韓是天子命 卷一百六 龍丈光

· 飲定四車全書 里之子男而城之界薄不稱甚非古重城意也學 為全專第一重門限是太城固而全專籍之以安 羈縻州宋平嶺南立為寨國初改為府逼近交夷 西有太平郡古南粤地漢屬交吐郡曰麗江唐為 古百里之大國今之縣何啻古七十里之伯五十 其功皆播諸聲詩事皆紀諸春秋乃今之郡何啻 杞緣陵是方伯約與國城避患之諸侯亦盛民也 大臣往城初封之諸侯盛民也齊桓之於衛楚邱 廣西通志

秦境視我城身高低厚薄莫軌於度未幾輛比垂 城之功為尤著太平築城例派各土司土人不免 哉乃昆明陳公守太平政通民和百廢具與而菜 粤以西獨免之飲水思源我粵安享昇平豈偶然 楚之大潘焉不免齊魯梁泰晉之内地焉不免而 專賴聖天子神威遐暢當事綢繆慮周以五羊三 一百六十餘年有憚勞恤費而適任其圯者有蘧 大城脆而全粤緣之以危者乎頃者揭竿四起我 卷一百六 大三日 自 とこ 垣周遭六百一十四丈月城一城樓一樓臺 中陶工中程費用如干咸取給於贏未嘗損民間 丈昌門 郡邑修城大夫以狀白報曰可是舉也材中度劈 椒不避囂讟以從事時都御史許公駐桂陽馳檄 廬其官汲汲若不朝夕者而城圯益甚大夫嬰其 半緡派土司一役經始壬申之夏七趙月修築城 天窩舖八新砌月城便門增過鐵門二包裹北門 一鐵補東南西城門 廣西通志 三蓋始事時大夫實 圭 輿

金分四月子言 當年據險計也惟是張仁愿之城三受降遮虜入 成之明年癸酉諸紳士民謀紀石而徵記於余余 冠歲省費億萬李德裕之城威遠最為西川保障 惟築城有功熟著當時澤流後世者周公有錐色 振情以故諸屬協東庶民和會而成以不日也城 與崇善縣譚公工分仁義禮智信委任諸屬獎勤 則實邊城外固內地始安則太平為全專門戶 之營此取天下道里中也武侯之築諸葛城此為 卷一百六

次 定 四 車 全 書 繕城而得衆心以成之尤其得無形之金城也夫 腋雖有完城將焉用之大夫凛凛務扮循不加派 維桑請命而點的蠲遼的減非曰市恩亦以為民 也誠以余兩任繁邑深有見於民窮盗起盜起肘 交夷必窺之路我大夫有盛民之功如是不真大 不足當中州一郡自黔遼餉加人無固志余力為 非常之人余於大夫亦云况我專土地亦窶財賦 有造於男也哉昔司馬子長謂非常之功必樹之 廣西通志

分グロカノニー 先王之建國也樹徳以基設險以守此其為慮豫 而鐫之後之君子其母阻於難而隱成績其母忘 春秋書二十有五非義非時者書雖義與時必書 柳州北郭碑記 諱聖謨湖廣醴泉人他執事有勞者具載碑陰焉 大夫之功大夫諱爰謀南直與化籍昆明人譚 重民力也大夫舉合義時於春秋法當書余故書 一淵平昔者儂冠甫平余襄公遂城桂州君子 卷一百六 余勉學

大二丁五 八十 固可往彼亦可來識者有深憂馬歷數百年卒莫 之為何機會之難遺如此哉嘉靖二十四年秋九 獨直北一面通塗數道無封域之限山谿之阻我 遠郡城三隅周旋東注雖非漢廣亦可謂天塹矣 舉也吾柳郡城當五嶺西南牂牁水自西北來會 治安之道莫是急乎蓋先人之憂而憂之非漫然 方向風脅息人且以承平為賀而亟城其北郭豈 之與其豫爾當馬平濯征蠻冠之餘諸椎髻卉裳 廣西通志

多好四月月十十 净峰征蜜將軍平江伯合肥陳公付泉以天子 月兵部右侍郎兼都察院左食都御史惠安張公 岡巨阜為之殿恐扶輿清淑之 氣無以萃且 覬觎 督師討蜜冠於馬平之五都師既克乃以其服登 者易逞摇蜜雖平容詎無他慮乎時郡邑諸生有 嘆曰美哉將將乎洋洋乎其斯以為固歟然無崇 郡城周覽馬顧維珠之綿亘俯江流之廻合喟然 獻議於茲欲城北郭以飭外蔽者深然之 一百六 念底厥 命

續須良有司適難其人已而崑山王君三接以南 中丞曰是果能憂吾憂事吾事者矣茍利生民財 京祠部郎來守兹郡首謁於蒼梧即喜曰是吳中 考中用極度財計工審時約費為計簿以請於大 奉命暨歸乃布徳兆謀拔草萊躬陟降既景乃岡 之俾底行馬君行省之復於公曰是守職也敢不 用何惜遂褒答俾底行馬命下君侯即召工師哀 '傑也必能憂吾憂事吾事矣遂以諸生之議界

久足四華全書

廣西通志

拱辰心王室思藩屏也東曰賓曦崇陽徳布和惠 **梵以陶覺實屏塗泥故不必隐以金錘而豐坊家** 材伐石諏日肇緒距北厢関関五百歩許為外郭 址鞏固如磐石馬即郭之中為熊門凡三正北曰 三之二起自西江迄於東冲因勢立基前却委蛇 胃賓曦留照以平屋冒各三間干盾備馬沿郭曲 也西曰留照存陽明燭幽昧也門之上拱辰以棲 郭之長凡五百七十九丈高丈有四尺基視高省

金グセルノニ

百六

堂凡五間東西為序各如其數直前為儀門樹坊 扁口粤西雄鎮言德成遠被胥底寧也臺南下有 楚戍卒居馬距郭中南十大築鎮粤臺其高凡二 數凡五間象五行也左右有軒前後有腳皆所以 十有四尺應坤之數縱廣凡一百八十尺當二九 之數象雨儀也覆臺為層樓高三十六尺應乾之 折為敵臺十臺有各旗幟列馬為軍營三營有廬 羽真乎樓旅楹四周象列宿也縱橫視臺樓之中

欠己の自己的

廣西通志

三十四

金月四月月 崇文教且將以象賢也中儀門左右為碑亭二即 於中又前為外門凡三間門之端扁曰龍城書院 環匝其外線以閉関規模氣象翼翼如也秩秋如 東偏為土地祠一自堂祖門蕭牆連絡左右布 三哨之上卒而居民曾不知有號召之煩凡役於 以寓馬是役也內則取諸四所之軍餘外則 也是雖因地利成天險而裁成輔相乎堪與者陰 公者人日給銀一分有半巧者倍之梓匠視坊者 卷一百 取諸

天下之事猶一家之事也昔中丞視教於兹常以 於夷夏然其機會之際站有非偶然者已吾聞仁 者以天地萬物為一體故其視民之憂循已之憂 堂暈飛鳥革觀者驚循神靈之所為靡不嘉我君 **的取給而吾民曾不知有征科之擾工經始於歲** 侯經理之有方也而中丞成始成終之功尤章章 丙午冬十二月未养而臺成踰年而郭就樓觀門 為增損本石之直以良梏為上下總其實皆於軍

L' Maria Lides

廣西通志

三十五

金月四月百言 又曰利用為大作元吉無咎則又君侯之謂矣 內寧益固天人合處交相為益斯其時哉易曰損 上益下民悅無疆自上下下其道大光公之謂數 其小儲建此長策風氣既萃人文以宣外侮潛消 吾柳當妖氣湯滌之餘獲屢豐之慶中丞又能散 為訓是其志同其道合雖曠世猶能相感別生同 誠 時官同一方其任之弗貳勞之勿惜固其宜哉 明之學海我諸生暨君侯莅政告人每以不欺 卷一百

次定四庫全書 刑是崇是淫若傳所稱好惡拂人之性則民心携 覆臺也為益宗郭也為益厚若夫匪徳是務惟威 有民級殿士女所欲與聚所惡勿施雖無一簣之 皆能以中丞之憂為憂君侯之事為事則必敷和 害懷德思報且将即是祠馬而尸祝之以崇報於 而叛離作雖有金湯其誰與守又不若折柳以樊 無窮垂勘於来世其誰曰勿宜今而後嗣君侯者 公惠孚我民利及萬世那人士蒙其惠利遠其災 廣西通志 テナ

戒 通判鄞縣徐君杖推官寧州鄒君邦欽知事臨 惠安康公朗恭将慶遠戚公振咸有功於提調而 周消咸有功於協贊而徐君經費有制出納無爽 魏公職司兵備尤注意馬府同知東莞林君時表 新建魏公良輔長洲徐公貞恭議莆田朱公道瀾 蕭公世延先後按治莫不嘉乃績俾亟成之副使 吾圃也詩曰無俾城壞無獨斯畏是非古今之大 耶是舉也巡按監察御史豐城徐公南金內江 卷一百六 Ш

萬里所屬目者吏於其問銛厥芒頡以炫能名流 湖廣永州衛領哨指揮陶禮俱有功於督理者也 于為記因次其事以遗之且以詔夫將來 至於日省月試課工程傭悉智舜力佐我君侯 績尤著馬柳州衛帶俸都指揮張世爵指揮張奎 縣固有宜陽之大曲逆之壯介通道大都為四方 修建灌陽治記 唯陶子之能厥工告成郡遣博士鄧炳黃處中屬 廣西通志 宋趙嘉慶 Ē 則

者翫惕以俟去苟禄者侵欲以自腴傷紀顏綱 亦恃陋阻其教也然則幾何而不胥為夷哉全為 獠僻在退陬學士大夫率多陋其土而夷其民民 去那且百餘里遠中土而逼徭蜑前後今長計資 治聲於天朝馳逸駕於官路殆如建領之水敷揚 四達所居然也至若附庸之邑不能十五鄰於蠻 州窮湘源而職嶺右於湘部為陋灌陽又其支邑 相望連帥肝江鄧公坰念常发之舊思所以惠 卷一百六 顛

次足四重全等 於猿圈則又作而言曰是聽政修今之地今埋地 禹廟於解江之許退而嘆曰是知所尊良心古意 未冺也若之何使舜禹之澤不下於吾民乎入視 枯辛亥八月八日也始至謁舜祠於華山之陽拜 怠歷仕以廉敏稱命下不得辭則單車至縣實淳 綏其民諏詢歷歲始得今令張公從龍而則辟朝 公解棟梁欲離咿軋作聲吏雨立於顏廊囚露坐 廷從之張字子雲老儒也博聞强識寫善行而不 廣西道志 手

金少世屋人門下 萬銀士泉叶助亦如之榆材於野覺瓦於尚傭工 南再閱月門庭羊故矣又不踰時廳字與新矣廊 於市公役而私酬之民用惟趙往往恨不及與也 應之曰於我視成汝無苦自是捐已所有得六十 告成爽豈高明問閱楹翼成中矩度民奔走受令 至此兹心不爽昏亂百度於從政乎何有因命撤 之有悚而告曰郡急索租且無所出奚暇及此則 計者皆應時而具辛亥十月傷功壬子九月 卷一百六 文之四車全書 於廉庶之側吏重足一跡於軒底之下巖牆凜凛 視昔何如而眼前突兀乃逐見此張君豈以是吃 豈質買而來情情而居逸遂而去比乎噫是真能 公大雷亦交薦之張乃具顛末要予記其事顧獸 且賢矣予方以其治狀轉而上聞郡太守等衆楊 也則信之滋篤奉之益專教化號令之乎於民顧 史乎遠民望之森然魄動曰吾慧君哲父之所宅 能名於通道大都乎又豈以是緩租賦於觀察刺 廣西通志

多り口月 四境宜陽曲逆之大固未必能然而耀能名釣聲 腹野人挽屬今尹鳴琴不下堂而比盡之宏汝於 郡邑有不可為者乎青衫葉枯恩愛滋治茧氓鼓 給營繕官不知費民不知役化行俗易庭户肅然 民者類以不可為藉口灌陽養爾邑外足貢輸內 腴之地要害之郡而姦利浚財怙胃賊虐大刻於 而慨嘆士大夫分量之天有不可同日語者以膏 議積未服也而請益力乃為援亳抽思直記其實 1:1:1 巷 百六

人工可可以的 能無置将分間不常所治而總府之名未有太祖 建總府記 天順間廣東置如廣西然各守一方不相統制而 司統治之永樂廣西置鎮守內臣總兵武臣景泰 高皇帝疆理天下設官分職兩廣各置都布按三 两廣百粵地自秦置郡縣以来蠻夷叛亂征伐不 日子善繼之國無小 利殆智之鑿耳張君所羞道也新令尹至盍告之 廣西通志 明 韓 四十 雍

多分四月石量 皆改任去雍遂兼馬明年賊平班師詔留太監陳 监督軍務雅費理來問叛夷之罪師至廣前巡撫 賊害累征未能平乃命将出師以今太監陳公瑄 撫不加督理而總督兩廣軍務兼理巡撫之名亦 總督或提督費理或兼理巡撫或不兼又或專巡 兩廣總府之名未有自是以後軍務無用文臣或 不多有成化改元初聖天子軫念两廣生民久僱 公鎮守廣東以雍提督兩廣軍務仍兼巡撫久之 卷一百六

理巡撫予固辭弗獲始就任未幾復以平江伯陳 陳公總鎮两廣起復难進今官總督兩廣軍務兼 尚書白公宗玉集議規畫舉雍對上可之以太监 章言於朝以為两廣事不協一殘賊日熾須復得 大臣提督無巡撫斯濟上嘉其言下廷臣議兵部 東監察御史襲晟廣東按察司食事陶魯林錦交 御史巡撫雍專提督五年春予以憂制歸巡按廣 予以地廣不克獨遍歷上章得請两廣各添置都

災 己四華全書

廣西通志

宸斷也惟梧州界乎兩廣之中水陸路相通道里 **適均羣山環拱三江滙流嶺南形勝無比據總府** 督儉事為异充遊擊将軍都指揮楊廣夏鑑張壽 府於梧便宜行事两廣副将以下俱聽節制前廣 充然将分守諸路而地方大計則悉決於總府皆 西鎮守太監兩廣總兵巡撫皆裁去又以少監黄 公沁暨|署都督僉事夏正充副總兵鎮守廣西都 公銳挂征蠻将軍印充總兵官鎮守兩廣同開總

一百

次定四車全書 兹以往出令一而保境同以我堂堂仁義之師坐 越秦漢以下因循省簡之陋而成萬世之良圖自 實服大顯神謀命官開府於兹合天心光祖德超 突出狀如盤石登臨遠眺一目千里閱晦千萬年 子綠承丕緒益邁前烈數載之間四征不庭罔不 洪惟我國家列聖相承一以道德仁義為治今天 而一旦 顯於今日豈非天造地該有所待而然與 之基其山自桂翁而来至梧城中盡而復起巍然 廣四通志 四十二

翼共武之服孔子曰節用愛人予輩皆當勉馬府 稱當何如哉書曰惟事事乃其有備詩曰有嚴有 之正堂五楹題曰總制百專之堂後作亭曰同心 雅然太和之治不於斯見乎雖然聖天子寵異臣 間有生之衆聲教所及将益無遠弗歸唐虞三代 鎮於中四、顧蠻夷殘孽向背而撫治之彼将日益 下而付托至重其責望固在於此臣子感激圖報 循化理變 惡習相安耕鑿以齊吾民而凡覆載之 卷一百六 柳何幸歟謹記 里韜畧家傳卓有将才皆重一時而予得預其問 予記太監字德新鎮静有謀屢立戰功總兵字志 六日落成於七年五月十八日既成太監總兵徵 門三楹左右廂房各五楹經始於六年四月二十

欠己日 白書

廣 西通志

